

中國地方志集成

四川府縣志輯 ⑩

光緒重修彭縣志

民國重修什邡縣志

巴蜀書社 ● 江蘇古籍出版社 ● 上海書店

中國地方志集成

四川府縣志輯 ⑩

出版 巴蜀書社

(成都鹽道街三號)

印刷 成都東方福利彩印廠

發行 四川省
新華書店

責任編輯 王維新

封面設計 范一辛

(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

重修彭縣志卷首

序

從古司牧之責首在安民安民之方莫先富教而所以富之教之者則詳具於志書蓋志之所載若疆域若土田若戶口若政事若人文一展卷而瞭然其間或援古以證今或隨俗以立制或因地以制宜參互錯綜神明而變化之所以佐出治之資者非一端志之繫於富教不綦重

彭縣志

序

一

哉彭縣在府西北九十里始為郡繼為州九峯高峙潏水長流王子安稱為天帝會昌之國英靈秀出之鄉罔無志乘嘉慶癸酉王令鍾鈞肇修以應樞取余於丁丑冬承問選之下車之始稽問問俗小吏以册進緝閱一過見其淵雅淹通稱引繁博亦藝林翹楚一惟事創成促不無盜墩爭尹之嫌如指錢鏗封國於天彭范蠡昇仙於九隴夷王乃羌曾誤作周夷王君平葬唐



昌列於陵墓志其他政績藝文收摺既疎附會尤甚然網羅散佚以待後人使一邑掌故不與野馬塵埃同歸消滅厥功亦偉矣會大府續修全省通志檄下各郡縣賫志備採乃延邑孝廉呂君調陽秉筆向張周向諸君勸其事爰語之曰邑之有志所以徵實也盛衰倚伏之故於是焉考非徒鋪張揚厲侈耳目之觀而已酌古以為富信心不尚奢諸君子其留意焉局設置

彭縣志

序

二

內之簪笈亭余於簿書之暇時為剖校凡五閱月而書成類為七門釐為十二卷準史例覈實跡偽訛者正之闕失者補之庶足以信今而傳後乎余不知後之覽者視前志何若而不濫不道以記事則法戒昭以纂言則文采著以稽人物則臧否明以考水利辨土宜則源流晰而種植備或亦富教之助云光緒四年歲次戊寅十二月知彭縣事善化張龍甲撰

序

天下何者為難事哉率吾意行之吾之意未必合於聖賢之意天地之心所如往往多阻率吾性行之乃至與道大適亦與事大當然後知大公至正之果可以達乎天下而一切者不足言也庚辰秒秋予捧檄天彭以素性迂拙又不習吏事而巖疆百里舊號難治愛我者方為我危下車三月諸稷化者雖未盡格心顧較前頗稱

彭縣志

卷首

三

安靜而一切興利除弊所謂不易成之事皆粗就緒是固邑人士之急公亦疑予之拙有以致之蓋不忍與拙者違故事不留也會除歲志書局士某等以刻志既竣請序於予具道兩載以來今始有成之意予辭曰陋不獲輒書此與之署縣事秀水盛時彥

舊序

志史之流也古者周官小史掌邦國之志太史以輶軒觀十五國之風謠是即志之始也司馬子長以八書立瀛班掾廣之為十志志之所分類起義有國志有郡志有邑志雖其志不同而其紀述則一蓋志之為言識也考疆索之式靡記山川之流峙辨風土人情之異同紀民庶物產之繁殖與夫廢置沿革之不常扼塞險要

彭縣志

序

三

之當備莫不州次部居條分縷析且片善必書寸長必錄即備夫販婦之賤一節可取在所不棄所以宣教化而示勸懲一道德而同風俗志之所係豈不大哉乃事欲其博文欲其該而世遠年湮編殘簡斷文獻兩無可徵何以酌古準今以垂永久則剗始之難倍於因襲如彭邑之志是已考彭邑為古繁縣地昔者置郡置州代有因革而天彭井絡素稱奧區羣峯翠律巨壑

激湍繡壤相錯玉河滌洞控松龍障都會十緊
六雄久推扼要是形勢之雄勝山川之奇秀可
見也地近元亭人多雋異化行石室士知禮讓
閨儉勵節塾鄙談經其風俗之淳厚人物之瓌
偉又可見也邑號小鄆產多嘉種綠葉朱榮熙
天耀日正不僅牡丹有譜競麗爭奇則其壤地
之沃饒物產之繁富又可見也生際

朝德威遠播民物恬熙禮意風猷樂情膏潤其所

彭縣志

序

四

以軒

風而昭文治者雖在一邑烏可以無志哉余以謫
陋承開造乏下車之始省民俗稽版圖求所以
載一邑之掌故者前此無聞焉不禁慨然興歎
恐千百年之典章文物竟至湮沒不彰久有志
纂輯以見問樛昧未敢削簡歲在辛未大府請
於

朝續修全省通志檄下各郡縣各賫志以備採擇

欣然載筆可以償夙昔之願焉搜博采蒼萃羣
書二十二史以外若常璩華陽國志李吉甫元
和郡縣志樂史太平寰宇記王存元豐九域志
楊慎全蜀藝文志曹學佺蜀中名勝志靡不詳
考至史所不載則求之古人之文集近事則徵
諸邑中之俊髦而其義例以

大清一統志爲宗櫛比鱗次分門四十有二各以類

從雖樸陋無文亦綿蕞習禮之意也至於辨五

彭縣志

序

五

土之宜羅千載之事合史家志傳之體彬彬乎
質有其文窾啟寡聞識有未逮是所望於後之
博物君子焉

嘉慶十有八年歲在癸酉十月知彭縣事嘉善

王鍾鈞撰

纂修姓氏

總纂

署

協纂

彭

舉

分纂

舉

舉

彭縣志

卷首 纂修姓氏

六

舉

舉

總校

舉

拔

歲

分校

歲

歲

彭縣

事張龍甲楚珩善化人

縣訓

導龔世瑩文坡榮縣人

人呂調陽竹廬

人向堯階真生仰選知縣

人張鵬松巖大挑二等

人向迪明葵齋大挑一等

人周磐小恂大挑一等

人徐培基肯堂

生徐增榮益樓

生何文敏曉山

生魏錫祺

生楊汁衣

廩

貢

採訪

廩

廩

附

廩

廩

廩

廩

彭縣志

卷首 纂修姓氏

七

廩

附

附

附

廩

廩

增

附

廩

生周濂

生廖騰芳訓導

生劉涉

生王信新

生楊韋

生廖宗仁信卿丁卯舉人

生王蓋臣

生李鴻祖

生賈思韓訓導

生錢選青

生溫玉良

生唐卓

生羅宗豫

生張智達

生李濟禾

生劉紹堯

生張煜麟庚辰恩貢

附 生彭乃釗

附 生張廷珍

監 生弓傲中

清書

廩 生楊琮典 紫琳已卯舉人

廩 生楊汝霖

廩 生周肇南

廩 生陳宗舜

廩 生陳棣芳

彭縣志 卷首 纂修姓氏

八

附 生鄭仿僑

附 生何嘉謨

附 生陳宗潛

校對

廩 生劉九齡

增 生廖湘辰

增 生張大拱

廩 生劉家驥

繪圖

吏 員廖榮昌

管局 生王謨

廩 生魏錫光

附 生費鴻勳

附 生孫貽謀

職 員葉長高

管刻 生傅秉鈞

附 生田均

附 生李崇基

彭縣志 卷首 纂修姓氏

九

古志纂修姓氏

總纂

成都府彭縣知縣王鍾鈞羅山嘉善人

協纂

彭縣訓導沈致極蟠山咸遠人

分纂

甘肅敦煌縣知縣彭以懋曉村華陽人

甘肅會甯縣知縣蔡會沂魯泉崇甯人

廣西新甯州知州陳謙介夫邑人

彭縣志纂修姓氏

舉人候選知縣賈方琢字字邑人

舉人候選知縣陳韶邑人

採訪

副貢生唐開晉邑人

副貢生賀奇俊邑人

原膳生龔霖邑人

原膳生王言遠邑人

原膳生黃大昕邑人

庠生王庸焯邑人

布衣楊嘉聚

總校

彭縣典史陳宗器鏡莊山陰人

分校

陝西涇陽縣國學生李立本盤根

陝西涇陽縣學生鄧應辰曉峯

增生方超元簡州人

庠生彭維梓邑人

彭縣志纂修姓氏

十一

凡例

一諸志總分爲七門一曰輿地二曰民事三曰治理四曰指
紳五曰藝文六曰藝文七曰史記終之以序志

每門之末悉依華陽國志例綴以該語務明大意匪瑣匪
夸

一諸志中凡利害得失所關竝附案語以俟 當途之採擇
道揆自上弗敢議也

一古今地名國號山川城邑史傳所闕則摭經典以補之稱
名或譌則援六書之義據山水之形以正之皆不憚勞披

彭縣志

卷首

凡例

三

博引所以徵信也

一建置沿革職官選舉大事諸志舊志訛闕頗多時須辨論
故未便列表

一志作於今當以今之區域爲定舊志之牽涉導江唐昌事
實者悉未敢附入

一後周以前凡繁縣人物事實皆當入本縣志以爾時尙未
有新繁故也

一地球經緯各依周天分三百六十度縣雖叢爾占地縱橫
各在牛度以外必經緯明而後方位定故未敢略

一星野因野分星故附輿地而天文不自爲門

一山川志悉依禹貢導山導川及山海經水經之例山則自
幹而支川則由經及緯悉用羅經定其方嚮遠近庶使覽
者瞭然

一里市志各場鎮距縣實徑悉由準望所得非未嘗行過而
謀也

一古蹟志於前代城戍悉加意攷訂所以明建置之宜控禦
之方非徒資流連憑弔也

彭縣志

卷首

凡例

三

次風俗

一寺觀爲二氏之人所居猶編氓也故與同民教民並附戶
口之下

一土不盡田賦不盡出於田故分土田賦稅爲二

一水利恆與患相因縣之水患今尤孔亟述成法明得失也
一田功志於深耕之道糞植之宜述后稷之言今之老農之
言皆深有益於農事其他圖寫場圃話說桑麻聊作田家
之月令也

一風俗志用周官小行人五書爲次以當納賈陳詩之意且

使長民者有所觀覽以爲出治

一治理門以周禮六官爲次而冠之以

典謨治出於一也

一舊志職官有題名而無沿革今列爲二

一憲禁志取切於治理之大者載之事關利害不敢以爲案

牘之文而刪改之也

一摺紳門附應例於選舉勵報効也唯自滇黔用兵以來諸

大吏志切旁求恆廣攬博取以來英俊故茲編於軍功一

項苟非實缺人員則概弗錄

彭縣志

卷首

凡例

丙

一褒旌門摺 會典當以忠孝節孝名宦鄉賢爲次茲編亦

用各縣志例以名宦居首明尊貴之義也

一名宦鄉賢等已經崇祀者各爲敘明事實其有口碑在人

懿行昭卓未經上 聞者亦依舊志例竝載以發潛德之

幽光

一忠義志與尋常義行分類各載以見大小之概

一金石必古而可傳及實而可信者存之其他道旁德政之

碑諛墓之辭概削弗錄

一史記門正史與外史並收要以明治亂備鑒戒爲主故先

大事次詳異次鑒戒而終之以述異仙釋則史餘也

一古史志之例序目皆附全書之後今仍以目錄居前以便

省覽其序志自爲一卷後附圖攷一卷訂譌一卷終焉

彭縣志

卷首

凡例

五

目錄

第一卷輿地門 上

建置沿革志 疆域志 附 星野志 山川志 形勢志

第二卷輿地門 下

城池志 廟壇志 衙署志 鋪遞志 里市志

關隘志 津梁志 古蹟志 冢墓志

第三卷民事門

戶口志 附 寺觀 土田志 水利志 田功志 物產志

風俗志

彭縣志

卷首

目錄

夫

第四卷治理門 上

典謨志 職官志 賦稅志 附 鑄政津捐 學校志

第五卷治理門 下

祀典志 武備志 憲禁志 營作志

第六卷摺紳門

藩封志 附 僭偽志 職官題名志 選舉志 附 應例 附 始遷

附 外籍 封典志 陰襲志 附 耆老志

第七卷褒旌門 上

名宦志 忠義志 忠節 死事 國殤 義勇 殉難 孝友志 鄉賢志

在 業 儒行 義行 隱逸 附 文苑 附 藝術

第八卷褒旌門 下

列女志 節烈 貞烈 完節 完貞 孝女 孝婦 淑媛 待 旌 附 外嫁 附 不知姓氏烈婦

附 貴女 附 壽婦

第九卷藝文門 上

經籍志 金石志 附 書畫

第十卷藝文門 下

文章志

第十一卷史記門

彭縣志

卷首

目錄

七

大事志 祥異志 鑿成志 列 傳 禮 傳 述異志

仙釋志

第十二卷序志

第十三卷圖攷

第末卷訂識

重修彭縣志卷第一

輿地門上

建置沿革志

縣於黃帝時爲子元囂所居曰昌意氏

大戴禮帝繫篇黃帝產青陽及昌意青陽降居泝水昌

意降居若水青陽昌意皆國氏也泝水若水互何若水

今青衣水若水乘女子荷雛有所扶倚之形又象窺井者衣裳垂散之狀若从設古女字古古文作

井中艸也泝水湔水也秦漢湔氏縣以此得名說詳山川志昌古唱字

古文意鶴省燕也湔雒二水象燕急語也元囂亦以地

彭縣志

卷一

沿革志

名元元鳥器誰也卽昌意之義戴記以昌意元囂爲二人誤今考春秋人物以

地爲名者十之八九蓋有古而然史記云元囂降居江水以泝爲北江

水也戴記又云昌意娶昌僕產顓頊亦誤據竹書黃帝

七十七年昌意降居若水產帝乾荒海內經昌意生韓

流卽荒取渾子曰阿女生顓頊蜀國春秋曰乾荒娶

蜀山女曰樞是爲阿女所謂渾子也生顓頊是顓頊爲

昌意孫也呂氏春秋云顓頊生自若水則以泝水爲若

誤已久矣

顓頊時爲震蒙氏



蜀樛杙曰古史云震蒙氏之女竊黃帝元珠沈江而死

化爲奇相卽今江瀆神是也竊珠之說雖因莊子附會

然所謂震蒙氏者必有所傳蒙蒙山也爲天彭諸山之

總名詳山川志震娠同彭山象孕婦腹也亦猶汜水之稱濛

汜矣

夏爲蒙山國曰有施氏

楚詞天問云桀伐蒙山何所得妹嬉何肆湯何極王逸

注桀伐蒙山之國爾得末嬉據國語云昔夏桀伐有施

有施人以妹喜女焉妹喜有寵于是乎與伊尹比而亡

彭縣志

卷一

沿革志

二

夏是蒙山卽有施也施旗下垂旒裊若蛇也湔之正流

卽鴨東合莘摩象旗繆灌江竝東南流而合象曳旒也

喜名也妹以沫水爲姓也又竹書紀年帝癸十四年扁

帥師伐岷山岷山女於桀二人曰琬曰玖后愛之無子

乃斲其名于茗華之玉茗是琬華是玖而弃其元妃於

洛曰妹喜以與伊尹交遂以亡夏呂氏春秋亦云桀迷

惑於妹嬉好彼琬玖則妹喜因失寵而外比國語云云

文不具也

殷爲有巢氏

周書史記解昔者有巢氏有亂臣而貴任之以國假之以權擅國而主斷君已而奪之臣怒而生變有巢以亡

路史有巢氏居于壘注壘屬益部蜀典云或即彌牟鎮也案湍水古名彌牟水牟務也牛違牽轉屈其首也於

文從乙蚺避人轉屈其首也彌獸被蹶曳繩益急也從弓所以蹶也從俞蹶之若挂窗帷也俞从人星宇也从巾在爻古人有狄虎彌虎蹶虎也彌曳急也豕足無

牛不受牽之義湍水從北視之象牽牛不行而俯其首

彭縣志

卷一

沿革志

三

故名彌牟或止稱彌是壘本縣地也巢在鳥下也湍維

二水象鳥彌牟及灌江處鳥下象巢亦如舒鳩之下為舒巢也舒鳩今安徽廬州府廬江縣舒巢今安徽府桐城縣南故巢城又案春秋元命

苞因提禪通二紀並列有巢氏其地與燧人庸成俱在今懷慶府脩武縣即春秋衛太叔疾所處之巢非此有

巢也然自循蜚以來世次之可紀者五十有四率皆以地為氏後人謂有巢始構木為巢教氏居之以避鳥獸

之害非也

周初為古國

尚書攷誓唐蜀羌舉微盧彭濮人孔安國傳八國皆蠻夷羌在西句蜀叟句舉微在巴句蜀彭在西北句唐濮

在江漢之南句案唐上庸蜀成都羌武都攀旄牛微今小金川微通句今眉州眉州魏廢帝二年置州東江中

西南流石受二小水環曲東南注之象眉舊謂取眉眉山為名非也春秋莊二十八年梁鄆公羊傳亦作梁微也盧瀘水戎今馬湖即諸葛武侯所渡者濮即濮今邛

州漢志臨邛有濮千水華陽國志謂之布濮水蜀地彭在西北則為今彭縣無疑唯濮非楚之百濮攀微非在

彭縣志

卷一

沿革志

四

武陽本名彭武邛江經成都至此與外江合流象彭腹之人奮踊而腹上起也武从戈戠戠也武勇也武義本此

左傳云止戈為武腹說也方俗語訛呼作彭亡注又作屏模遂生彭冢之說不知彭武之未可單言彭且故微地不容別

為國也

東周為蜀王柏灌魚鳧杜宇所居

華陽國志周失綱紀有蜀侯蠶叢其日縱始稱王次王曰柏灌次王曰魚鳧後有王曰杜宇教民務農一號杜

主移治郫邑或治瞿上七國稱王杜宇稱帝號曰望帝

更名蒲卑後禪位於開明氏案蠶葢本居眉州即微也

叢古音敢通最蠶最者蠶有所緣向上而仰如人見誠

仰其首也眉水之形似之柏如柏人柏舉之柏薄也接

內薄之也灌灌江也詳山志魚鳧冠鳧也石首魚所化蒲雒合

流象鳥鳧首而魚身也地俱當在故濠陽縣杜赤棠也

卽山古人斷其幹留其本以接黎謂之杜齊人謂根曰杜是也杜

字棠木上曲如檐內之阿也今名亦有蒲雒二水之形

其水又象人卽蒲而身俯故曰蒲卑卽蒲者蒲匄而以

醫行也春秋傳訛作棟地當在故蒲氏縣移治郫邑卽

蒲漢志作卽裴

彭縣志

卷一

沿革志

五

緣蒲卑之名而誤葢果徙郫則郫江祇象御者身俯之

形不得名蒲卑也罷上卽眉州眉水象鳥上顧也開明

亦取眉東大洲之象縱目人及蜀記靈靈尸湖江西上

皆因水形附會靈靈卽開明

秦爲繁蒲氏二縣地

渭水自朶口分爲三流下合於金堂峽象馬繁纓垂拂

之狀故以氏縣亦猶潁川會流是爲繁陽也繁馬羈下

垂絡也古文作繁亦作繁鄭康成訓作馬大帶非也帶

在腹豈可纓乎案華陽國志云蜀郡繁縣在郡北九十

里有泉水稻田今縣在府北偏西九十五里東南多沈

泉其他乏水之處亦鑿泉汲灌蒲氏故城在縣西北五

十五里卽故昌意所居之泚水後周於此置青陽縣葢

沿戴記之誤集韻又謂浩城在彭州近天彭關則能知

青陽所居爲若水而不知蒲之非若也

漢初繁建爲侯國孝武元狩初復舊

見藩封志

蜀漢徙蒲氏改曰都安屬汶川郡繁縣仍舊

晉因之

宋元嘉十年氏王楊難當攻葭萌獲晉壽太守范延朗晉

壽民南徙十二年八月於縣僑立南晉壽郡領縣五繁仍

舊

宋書州郡志南晉壽郡太守梁州元有晉壽文帝元嘉

十二年於劍南以僑流立領縣五戶一千五十口一千

九百四十三去州一百二十去京都水一萬五縣晉壽

興安興樂邵歡白馬晉壽興安元屬白水郡興樂屬宋

照郡郡歡屬晉壽郡白馬當是白

水亦屬郡治當在朶口也五縣民不及二千固未容徙縣以居

郡治當在朶口也五縣民不及二千固未容徙縣以居

彭縣志

卷一

沿革志

六

之矣宋有天水郡領縣三戶四百六十一亦當在縣境若魏南秦州之天水治洛谷城非此天水也

齊仍為南晉壽郡領縣三繁仍舊

齊書州郡志南晉壽郡領縣三南晉壽泉當作白水南與有

安

梁於晉壽置東益州繁仍舊

魏亦有東益州治武興郡武興縣今略陽縣地又有益州一

曰西益州領東西晉壽新巴南白水宋熙凡五郡

後周廢州改郡縣皆曰九隴治繁徙繁於成都北境曰新

繁

彭縣志

卷一

沿革志

七

蓋是時郡承平久生聚日盛成都自尉遲迥平蜀後戶

口耗滅故改徙也新繁之名至是始見寰宇記謂劉禪

延熙十年涼州胡王率眾降禪居之繁縣以縣戶於此

益繁俗謂之新繁自是縣名因俗改非也今新繁志譌撰寰宇記一

段文又謂漢末建興中南夷來歸姜維置之深陽而別建城以處南夷謂之新繁尤為無稽

隋置涿州大業初廢縣屬蜀郡

隋書地理志蜀郡九隴縣舊曰晉壽梁置東益州後周

州廢置九隴郡並改縣曰九隴仁壽初置涿州開皇初

郡廢并隴泉興固青陽三縣入焉三縣蓋皆蜀改時大

業初州廢

唐初為彭州尋復涿州貞觀二年州廢屬益州十年為彭

三國垂拱二年復置彭州

唐書地理志彭州涿陽郡緊垂拱二年析益州置有府

二曰天水唐興有威戎軍有羊灌田棚竿繩橋三守捉

城有七盤安遠龍溪三城有當風戍有靜塞關縣四九

隴望武德三年以九隴縣竹導江置涿州貞觀二年州

廢縣皆來屬導江望有鎮靜軍有白沙守捉城有木瓜

戍有三奇戍唐昌望涿陽望儀鳳二年析九隴什邡雜

彭縣志

卷一

沿革志

八

置案唐書劉世讓以武德元年為彭州刺史彭王元則

是以貞觀十年徙王則彭州之置不始於武后時蓋至

元和郡縣志彭州涿陽緊禹貢梁州之地漢分梁州為

益州即漢益州繁縣地也垂拱二年於此置彭州以岷

山導江江出山處兩山相對古謂之天彭門因取以名

州管縣四九隴縣望郭下西至州二里本漢繁縣地舊

曰小邛言土地肥良比之邛縣也梁於此置東益州後

魏改為九隴郡取九隴山為名也隋開皇三年罷郡為

九隴縣屬益州皇朝因之後改屬彭州導江縣望東至

州五十八里唐昌縣望東至州三十里濠陽縣緊北至州四十里本九隴雜新都新繁什加五縣之地儀鳳二年於此分置濠陽縣在濠江之水北因名濠陽

孟蜀彭建為王國

見僞志

宋因唐舊領縣三

宋史地理志彭州濠陽郡軍事緊縣三九隴望唐縣熙

甯三年置棚口縣四年省為鎮入焉崇甯望本唐昌縣

崇甯元年改濠陽望

彭縣志

卷一

沿革志

九

寰宇記劍南西道彭州濠陽郡今理九隴縣秦漢屬蜀

郡晉以後又為蜀甯蜀二郡之地梁天監中置東益州

後周武帝廢州又為九隴郡隋初郡廢諸後置濠州取

濠水為名煬帝初州廢併其地入蜀郡周垂拱二年分

益州之九隴等四縣置彭州取古天彭關為名天寶元

年改為濠陽郡乾元元年復為彭州元領縣四今三一

縣割出導江入永康軍九隴縣依舊三十鄉州所理漢

繁縣地宋置晉壽郡古城在縣西北三里梁置東益州

後魏為天水郡誤仍改為九隴以九隴山為名隋初於

縣東三里置濠州大業省唐武德三年又置濠州領九

隴縣竹導江三縣貞觀初省縣屬益州垂拱二年於縣

置彭州永昌縣西三十里依舊濠陽縣東三十九里舊

二十四鄉今一十四鄉唐儀鳳二年割九隴雜新都新

繁什加等縣於九隴縣界濠江之北置故口濠陽垂拱

三年來屬

元豐九域志緊彭州濠陽郡軍事治九隴縣地里東京

三千五百八十七里東至本州界四十六里自界首至

漢州一十五里西至本州界九十三里自界首至茂州

彭縣志

卷一

沿革志

十

三百七十里南至本州界一十六里自界首至成都府

七十六里北至本州界三十六里自界首至漢州七十

五里東南至本州界一十三里自界首至成都府七十

二里西南至本州界七十八里自界首至蜀州九十七

里東北至本州界四十六里自界首至漢州二十里西

北至茂州山八十里縣四初乾德四年以導江縣隸永

康軍開寶四年改唐昌縣為永昌熙甯二年置棚口縣

四年省為鎮入九隴五年廢永康軍為寨以導江縣還

隸七年廢永康寨九年復即導江縣治置永康軍使望